

МОНГОЛ УЛСЫН ХУУЛЬ

2017 оны ... дугаар
сарын ... -ны өдөр

Улаанбаатар
хот

**ХУУЛЬ ТОГТООМЖИЙН ТУХАЙ ХУУЛЬД
НЭМЭЛТ, ӨӨРЧЛӨЛТ ОРУУЛАХ ТУХАЙ**

1 дүгээр зүйл.Хууль тогтоомжийн тухай хуульд доор дурдсан агуулгатай зүйл, хэсэг, заалт нэмсүгэй:

1/12 дугаар зүйлийн 12.2, 12.3 дахь хэсэг:

“12.2.Энэ хуулийн 12.1.2-12.1.4, 12.1.6-д заасан аргачлал нь доор дурдсан хууль тогтоомжийн төсөл боловсруулахад хамаарахгүй:

12.2.1.Монгол Улсын Их Хурлын чуулганы хуралдааны дэгийн тухай хуулийн 16¹ дүгээр зүйлийн 16¹.1-д заасан хууль тогтоомжийн төсөл;

12.2.2.Дайны байдлын тухай хуулийн 5 дугаар зүйлийн 5.1, Дайн бүхий байдлын тухай хуулийн 5 дугаар зүйлийн 5.1-д тус тус заасан Улсын Их Хурлын шийдвэрийн төсөл;

12.2.3.Үндэсний аюулгүй байдлын тухай хуулийн 3 дугаар зүйлийн 3.4.1, 3.4.3-т заасан асуудлаар боловсруулсан хууль тогтоомжийн төсөл;

12.2.4.тухайн жилийн төсвийн тухай;

12.2.5.төсвийн хүрээний мэдэгдэл;

12.2.6.олон улсын гэрээнд нэгдэн орох, соёрхон батлах тухай;

12.2.7.Засгийн газрын бүтэц, бүрэлдэхүүний тухай;

12.2.8.албан тушаалтныг томилох, чөлөөлөх тухай;

12.2.9.төрийн захиргааны байгууллагын тогтолцоо, бүтцийн ерөнхий бүдүүвч батлах тухай;

12.2.10.энэ хуулийн 6.2, 6.3-т заасан тогтоолын төсөл;

12.2.11.Монгол Улсын Их Хурлын чуулганы хуралдааны дэг;

12.2.12.Засгийн газрын үйл ажиллагааны хөтөлбөр батлах тухай;

12.2.13.улсын нийгэм, эдийн засгийг хөгжүүлэх үндсэн чиглэл батлах тухай;

12.2.14.хууль тогтоомжийг боловсронгуй болгох үндсэн чиглэлийн төсөл батлах тухай;

12.2.15.улсын төсвийн гүйцэтгэл батлах тухай;

12.2.16.төрөөс мөнгөний талаар тухайн жилд баримтлах үндсэн чиглэл батлах тухай.

12.3.Энэ хуулийн 12.1.2-т заасан хууль тогтоомжийн хэрэгцээ, шаардлагыг урьдчилан тандан судлах аргачлал нь доор дурдсан хууль тогтоомжийн төсөл боловсруулахад хамаарахгүй:

12.3.1.тухайн асуудлыг гагцхүү хуулиар зохицуулахаар Монгол Улсын Үндсэн хуульд заасан;

12.3.2.Монгол Улсын олон улсын гэрээгээр Монгол Улс тухайн асуудлаар дотоодын хууль тогтоомжид нэмэлт, өөрчлөлт оруулах, шинээр боловсруулахаар тусгайлан үүрэг хүлээсэн;

12.3.3.Энэ хуулийн 12.1.6-д заасан аргачлалын дагуу хийсэн үнэлгээгээр тухайн хуулийг шинэчлэн найруулах, эсхүл өөрчлөлт оруулах, хүчингүй болгох зөвлөмж гарсан.”

2/15 дугаар зүйлийн 15.10 дахь хэсэг:

“15.10.Тухайн асуудал эрхэлсэн Засгийн газрын гишүүн хууль тогтоомжийн төслийн үзэл баримтлалын төслийг хууль зүйн асуудал эрхэлсэн Засгийн газрын гишүүнтэй хамтран батлуулахаар хүргүүлэхдээ хууль тогтоомжийн хэрэгцээ, шаардлагыг урьдчилан тандан судалсан, хууль тогтоомжийг хэрэгжүүлэхтэй холбогдон гарах зардлыг тооцсон, хууль тогтоомжийн хэрэгжилтэд хяналт шинжилгээ, үнэлгээ хийсэн, хууль тогтоомжийн хэрэгжилтийн үр дагаварт үнэлгээ хийсэн талаарх судалгаа, үнэлгээний тайланг хамт хүргүүлнэ.”

3/20 дугаар зүйлийн 20.12 дахь хэсэг:

“20.12.Хууль тогтоомжийн төслийг Засгийн газрын хуралдаанаар хэлэлцүүлэхэд Монгол Улсын Засгийн газрын тухай хуулийн 29 дүгээр зүйлийн 3 дахь хэсэгт заасан дэгийг баримтална.”

4/22 дугаар зүйлийн 22.1.5 дахь заалт:

“22.1.5.хууль хүчингүй болсонд тооцох тухай хуулийн төсөл.”

5/26¹ дүгээр зүйл:

“26¹ дүгээр зүйл.Хууль хүчингүй болсонд тооцох тухай хуулийн төсөл

26¹.1.Хууль хүчингүй болсонд тооцох тухай хуулийг хүчингүй болгосноор өмнө нь хүчингүй болсон хуулийн үйлчлэл сэргэхгүй.”

6/38 дугаар зүйлийн 38.8 дахь хэсэг:

“38.8.Хуульд өөрөөр заагаагүй бол энэ хуулийн 12.2-т заасан хууль тогтоомжийн төсөлд олон нийтийн хэлэлцүүлэг зохион байгуулахгүй байж болно.”

7/51 дүгээр зүйлийн 51.3 дахь хэсэг:

“51.3.Энэ хуульд өөрөөр заагаагүй бол хууль тогтоомжийн хэрэгжилтийн үр дагаврын үнэлгээг хууль тогтоомжийг дагаж мөрдсөнөөс хойш 5 жил тутамд хийх бөгөөд шаардлагатай тохиолдолд дээрх хугацаанаас өмнө хийж болно.”

2 дугаар зүйл.Хууль тогтоомжийн тухай хуулийн 14 дүгээр зүйлийн 14.1 дэх хэсгийн “судалсны” гэсний дараа “, эсхүл хууль тогтоомжийн хэрэгжилтийн үр дагаварт хийсэн үнэлгээний зөвлөмжийн” гэж нэмсүгэй.

3 дугаар зүйл.Хууль тогтоомжийн тухай хуулийн дараахь хэсэг, заалтыг доор дурдсанаар өөрчлөн найруулсугай:

1/13 дугаар зүйлийн 13.2.1 дэх заалт:

“13.2.1.Монгол Улсын Үндсэн хууль, Монгол Улсын олон улсын гэрээ болон бусад хуульд нийцэх эсэхийг судлах;”

2/13 дугаар зүйлийн 13.2.6 дахь заалт:

“13.2.6.шаардлагатай тохиолдолд тухайн асуудлаар бусад улсын эрх зүйн зохицуулалтын талаарх судалгаа хийсэн байх.”

3/15 дугаар зүйлийн 15.7.2 дахь заалт:

“15.7.2.хуулиар тогтоосон эрхлэх асуудлын хүрээнд хамаарах асуудал.”

4/30 дугаар зүйлийн 30.7 дахь хэсэг:

“30.7.Нэр томьёо нь тодорхой утга агуулгаар зөвхөн нэг бүлэг, зүйл, хэсэг, заалтын хүрээнд хэрэглэгдэх бол түүний тодорхойлт, тайлбарыг холбогдох бүлэг, зүйл, хэсэг, заалтын дотор байрлуулж болно.”

5/33 дугаар зүйлийн 33.2.1 дэх заалт:

“33.2.1.хуулийн төслийн ерөнхий агуулга, зохицуулах харилцаа, хуулийн төсөлд тусгасан зарчмын шинжтэй зохицуулалтын талаар;”

6/40 дүгээр зүйлийн 40.1.8 дахь заалт:

“40.1.8.энэ хуулийн 15.2-т заасны дагуу хууль тогтоомжийн төслийн үзэл баримтлалын төслийг хууль зүйн асуудал эрхэлсэн Засгийн газрын гишүүнд хүргүүлсэн тохиолдолд хууль зүйн асуудал эрхэлсэн Засгийн газрын гишүүний зөвлөмж;”

7/41 дүгээр зүйл:

“41 дүгээр зүйл.Хууль тогтоомжийн төслийг Улсын Их Хуралд өргөн мэдүүлэх

41.1.Хууль санаачлагч хууль тогтоомжийн төслийг Улсын Их Хурлын даргад өргөн мэдүүлнэ.

41.2.Хууль санаачлагч энэ хуулийн 40 дүгээр зүйлд заасны дагуу хууль тогтоомжийн төслийн бүрдүүлбэрийг хангаж, хууль тогтоомжийн төслийг Улсын Их Хурлын даргад өргөн мэдүүлэхээс өмнө Улсын Их Хурлын Тамгын газрын Ерөнхий нарийн бичгийн даргад хүргүүлнэ.

41.3.Улсын Их Хурлын Тамгын газрын Ерөнхий нарийн бичгийн дарга хууль тогтоомжийн төслийг 72 цагийн дотор энэ хуулийн 40.1, 40.2-т заасны дагуу хянаж, шаардлага хангаагүй бол түүнийг хангуулах арга хэмжээ авна.

41.4.Улсын Их Хурлын Тамгын газрын Ерөнхий нарийн бичгийн дарга энэ хуулийн 40.1, 40.2-т заасан шаардлагыг хангасан төслийг Улсын Их Хурлын даргад танилцуулж, Улсын Их Хуралд өргөн мэдүүлэхээр товлосон хугацааг хууль санаачлагчид албан бичгээр мэдэгдэнэ.”

4 дүгээр зүйл.Хууль тогтоомжийн тухай хуулийн 2 дугаар зүйлийн 2.1.4 дэх заалтын “төслийг” гэснийг “төслийн эх бичвэрийг” гэж, 3 дугаар зүйлийн 3.1 дэх хэсэг, 46 дугаар зүйлийн гарчиг, мөн зүйлийн 46.1, 46.2, 46.3 дахь хэсгийн “таниулах” гэснийг “сурталчлах” гэж, 9 дүгээр зүйлийн 9.3 дахь хэсгийн “мэргэжилтнийг” гэснийг “албан тушаалтан, түүнчлэн судлаач, эрдэмтнийг” гэж, 10 дугаар зүйлийн 10.1.2 дахь заалтын “мэргэжилтнээс” гэснийг “албан тушаалтан, судлаач, эрдэмтнээс” гэж, 13 дугаар зүйлийн 13.2 дахь хэсгийн “зохицуулна” гэснийг “судалж, тайлан гаргана” гэж, 15 дугаар зүйлийн 15.3 дахь хэсгийн “хууль зүйн асуудал эрхэлсэн төрийн захиргааны төв байгууллагатай” гэснийг “тухайн асуудлыг эрхэлсэн Засгийн газрын гишүүн нь хууль зүйн асуудал эрхэлсэн Засгийн газрын гишүүнтэй” гэж, 15.4 дэх хэсгийн “төрийн захиргааны төв байгууллагууд нь хууль зүйн асуудал эрхэлсэн төрийн захиргааны төв байгууллагатай” гэснийг “Засгийн газрын гишүүд хууль зүйн асуудал эрхэлсэн Засгийн газрын гишүүнтэй” гэж, 15.5, 15.6 дахь хэсгийн “төрийн захиргааны төв байгууллагатай” гэснийг “Засгийн газрын гишүүдтэй” гэж, 15.7, 15.8 дахь хэсэг, 20 дугаар зүйлийн 20.5 дахь хэсгийн “төрийн захиргааны төв байгууллага” гэснийг “Засгийн газрын гишүүн” гэж, 15 дугаар зүйлийн 15.8 дахь хэсгийн “Төрийн захиргааны төв байгууллагаас” гэснийг “Тухайн асуудал эрхэлсэн Засгийн газрын гишүүнээс” гэж, 17 дугаар зүйлийн 17.2 дахь хэсгийн “Энэ хуулийн 12.1.3-т заасан аргачлалд дараахь асуудлыг тусгана” гэснийг “Энэ хуулийн 12.1.3-т заасан аргачлалын дагуу хууль тогтоомжийн төслийн үр нөлөөг дараахь байдлаар үнэлж, санал дүгнэлт гаргана” гэж, 20 дугаар зүйлийн 20.4 дэх хэсгийн “Сайдын зөвлөлөөр хэлэлцүүлсний дараа холбогдох бусад баримт бичгийн хамт” гэснийг “хууль тогтоомжийн төслийн үр нөлөөг үнэлсэн, хууль тогтоомжийг хэрэгжүүлэхтэй холбогдон гарах зардлын тооцоо хийсэн судалгаа, тайлангийн хамт” гэж, 21 дүгээр зүйлийн 21.9.1 дэх заалтын “Үндсэн чиглэлд” гэснийг “бусад хуульд” гэж, 26 дугаар зүйлийн 26.1 дэх хэсгийн “Засгийн газар” гэснийг “Хууль санаачлагч” гэж, 28 дугаар зүйлийн 28.3 дахь хэсгийн “хэлбэрт оруулж байрлуулна” гэснийг “дарааллаар байрлуулна” гэж, 38 дугаар зүйлийн 38.1 дэх хэсгийн “Хууль” гэснийг “Хуульд өөрөөр заагаагүй бол хууль” гэж, 40 дүгээр зүйлийн 40.1.2 дахь заалтын “судалгааны тайлан” гэснийг “хууль тогтоомжийн хэрэгцээ, шаардлагыг тандан судалсан, хууль тогтоомжийн төслийн үр нөлөөг үнэлсэн, хууль тогтоомжийг хэрэгжүүлэхтэй холбогдон гарах зардлын тооцоо хийсэн судалгаа, үнэлгээний тайлан” гэж, мөн зүйлийн 40.3 дахь хэсгийн “хууль зүйн асуудал эрхэлсэн Засгийн газрын гишүүн” гэснийг “Улсын Их Хурлын Тамгын газрын Ерөнхий нарийн бичгийн дарга” гэж, Наймдугаар бүлгийн гарчгийг “ХУУЛЬ ТОГТООМЖИЙН САН БҮРДҮҮЛЭХ, ХУУЛЬ ТОГТООМЖИЙГ ХЭВЛЭН НИЙТЛЭХ, ОЛОН НИЙТЭД СУРТАЛЧЛАХ” гэж тус тус өөрчилсүгэй.

5 дугаар зүйл.Хууль тогтоомжийн тухай хуулийн 24 дүгээр зүйлийн 24.1 дэх хэсгийн “хуулийг бүхэлд нь,” гэснийг, 24 дүгээр зүйлийн 24.5.4 дэх заалтын “хууль,” гэснийг тус тус хассугай.

6 дугаар зүйл.Хууль тогтоомжийн тухай хуулийн 19 дүгээр зүйлийн 19.2 дахь хэсэг, 21 дүгээр зүйлийн 21.9.2 дахь заалт, 24 дүгээр зүйлийн 24.11 дэх хэсэг, 43 дугаар зүйлийн 43.3 дахь хэсэг, 48 дугаар зүйлийг тус тус хүчингүй болсонд тооцсугай.

Гарын үсэг